

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Z E N I C A
Broj: T04 0 KT 0051503 24
Zenica, 25.06.2024. godine

OPĆINSKI SUD U TEŠNJU
- Sudiji za prethodno saslušanje -
TEŠANJ

Na osnovu odredbe člana 45. stav 2. tačka i) i odredbe člana 241. stav 1. ZKP-a F BiH, p o d i ž e m

O P T U Ž N I C U

Protiv,

M. M., neosuđivan,

što je,

dana 09.12.2022. godine, na magistralnom putu M-4 u mjestu Mračaj, općina Tešanj, prilikom zaustavljanja i kontrole pmv marke „BMW“ reg. oznaka ..., gdje se nalazio kao saputnik, suprotno odredbama člana 4. stav 1., 2., 3. i 5. u vezi sa članom 19. i 20. Zakona o sprečavanju suzbijanju zloupotrebe opojnih droga („*Službeni glasnik BiH*“ broj 8/06, 103/08 i 51/11),svjestan svoga djela, što je i htio, radi prodaje neovlašteno držao opojnu drogu i to: tri pvc paketića sa sadržajem suhe zeljaste materije neto mase 0,560 grama, 0,574 grama i 0,647 grama, za koju materiju je vještačenjem utvrđeno da sadrži psihoaktivnu komponentu „tetrahidrokanabinol“ (THC), koja je pod rednim brojem 13. liste opojnih droga i rednim brojem 26. liste psihotropnih tvari iz Tablice I „Zabranjene tvari i biljke“ proglašena kao takva, jedan prozirni paketić sa sadržajem žuto-bijele praškaste materije neto mase 0,749 grama, te četiri pvc paketića sa sadržajem žuto-bijele praškaste materije neto mase: 0,314 grama, 0,291 gram, 0,346 grama i 0,372 grama, za koju materiju je vještačenjem psihoaktivnu komponentu amfetamin poznatiju kao opojna droga „speed“, a koja droga je pod rednim brojem 1. Liste psihotropnih tvari iz tablice II „Tvari i biljke pod strogim nadzorom“ proglašena takvom, a koja opojna droga mu je oduzeta od strane ovlaštenih službenih osoba PS Tešanj,

dakle, radi prodaje držao opojnu drogu,

čime je počinio krivično djelo neovlaštena proizvodnja i stavljanje u promet opojnih droga iz člana 238. stav 1. KZ F BiH.

4. Predlažemo sudu da se na osnovu odredbe člana 238. stav 4. KZ F BiH od osumnjičenog M. M. oduzme preostala ispitivana i vještačena materija i to psihotropna

supstanca tetrahidrokanabinol neto mase 1,688 grama i psihotropna supstanca amfetamin neto mase 1,186 grama, a koje se nalaze deponovane u PS Tešanj.